

Cylch Gorchwyl Bwrdd Cyfiawnder Troseddol Dyfed-Powys

Mae'r ddogfen hon yn nodi'r Cylch Gorchwyl a'r Fframwaith Llywodraethu ar gyfer Bwrdd Cyfiawnder Troseddol Lleol Dyfed-Powys (BCTDP).

Gweledigaeth Bwrdd Cyfiawnder Troseddol Dyfed-Powys

Gwella effeithlonrwydd ac effeithiolrwydd y system cyfiawnder troseddol yn Nyfed- Powys, gan gynnwys gwella'r profiad i ddiodefswyr a thystion a magu ffydd yn y system gyfan.

Mae Cydraddoldeb, Amrywiaeth a Chynhwysiant wrth galon y bwrdd cyfiawnder troseddol lleol ar gyfer ardal Dyfed-Powys ddiogel, gyfiawn a chynhwysol. Mae dathlu amrywiaeth ardal Dyfed-Powys a sicrhau'r egwyddorion cydraddoldeb a chynhwysiant yn sail i'r holl waith a gynhelir.

Meysydd blaenoriaeth

Ar gyfer 2024/25, mae'r Bwrdd wedi mabwysiadu dwy brif flaenoriaeth, sef:

1. Dioddefswyr a Thystion
2. Pobl sy'n Troseddu

Bydd Bwrdd Dyfed-Powys yn cyfrannu at gynllun Cymru Gyfan, ac ar yr un pryd, yn canolbwyntio ar flaenoriaethau lleol o fewn y meysydd hyn.

Swyddogaeth BCTDP

Dod â phartneriaid allweddol a chynrychiolwyr uwch asiantaethau Cyfiawnder Troseddol sydd yn gweithio o fewn Dyfed-Powys ynghyd, gan ganiatáu ar gyfer cydweithio a gweithio gyda phartneriaid. Mae BCTDP yn gyfrifol am y gwasanaeth a roddir i ddiodefswyr a thystion ac yn atebol amdano, yn ogystal â chyflwyno'r targedau cyfiawnder troseddol yn yr ardal hon, gwelliannau wrth gyflwyno cyfiawnder a sicrhau hyder y cyhoedd.

Aelodaeth

- Comisiynydd Heddlu a Throseddau Dyfed-Powys
- Heddlu Dyfed-Powys
- Gwasanaeth Erllyn y Goron
- Gwasanaeth Llysoedd a Thribiwnlysoedd Ei Fawrhydi
- Gwasanaeth Carchardai a Phrawf Ei Fawrhydi
- Y Tîm Troseddau Ieuencid
- Yr Asiantaeth Cymorth Cyfreithiol
- Y Gwasanaeth Tystion Llys
- Bwrdd Iechyd Hywel Dda
- Llywodraethwr Carchar Abertawe
- Unigolion eraill, fel aelodau neu ar sail ad hoc, fel yr ystyrir yn briodol

Dylai fod gan bob cynrychiolydd yr awdurdod i wneud penderfyniadau ar gyfer ei asiantaeth benodedig yn y cyfarfodydd bwrdd. Dylai pob cynrychiolydd newydd gael y pwerau dirprwyedig i ymrwmo ei asiantaeth i unrhyw gytundeb a wneir yn y cyfarfod, gan sicrhau,

felly, bod BCTDP yn parhau i fod yn fodd effeithiol ar gyfer cyflawni'r nodau a'r blaenoriaethau'n amserol.

Bydd aelodau'r Bwrdd yn:

- Ymroi i fynychu cyfarfodydd y Bwrdd, gan anfon eilyddion dan amgylchiadau arbennig yn unig.
- Pan fo'n briodol, gwahodd cynrychiolwyr o sefydliadau neu asiantaethau eraill ar gyfer eitemau penodol ar yr agenda, cyfarfodydd neu gyfres o gyfarfodydd. Ni fydd hawl i bleidleisio gan y cynrychiolwyr hyn.
- Rhannu data a dadansoddiadau fel sy'n briodol a gofynnol i alluogi BCTDP i gyflawni ei rôl.
- Gyrru'r gweithredu rhwng cyfarfodydd.
- Ar ran eu sefydliad, cyfeirio materion system cyfiawnder troseddol lleol sy'n dod i'r amlwg at Fwrdd Cyfiawnder Troseddol Dyfed-Powys i'w trafod.
- Gweithio gyda chymheiriaid lleol, rhanbarthol a chenedlaethol yn ôl yr angen er mwyn nodi a goresgyn rhwystrau tuag at wella cyflwyno cyfiawnder.
- Bod yn atebol, i'r Bwrdd, am unrhyw waith a wneir o fewn is-grwpiau BCTLI.
- Hyrwyddo gwaith y BCTLI o fewn eu sefydliad.
- Cefnogi Cynllun Gweithredu Hil Cyfiawnder Troseddol Cymru Gyfan yn llwyr, gan sicrhau bod ei flaenoriaethau wedi'u gwreiddio ym mhopeth y mae'r BCTLI a'i sefydliadau'n gwneud.
- Cymryd cyfrifoldeb personol am ddatblygiad unigol ac ymwybyddiaeth o faterion gwrth-hiliaeth.

Gweinyddu'r Bwrdd

- Hwylusir gweinyddu'r Bwrdd gan y Cadeirydd.
- Cynhelir cyfarfodydd yn chwarterol, i sicrhau cynnydd parhaol yn erbyn blaenoriaethau.
- Gofynnir am eitemau ar gyfer yr agenda bythefnos cyn y cyfarfodydd Bwrdd.
- Cyfrifoldeb Gweinyddwr y Bwrdd, mewn ymgynghoriad â'r Cadeirydd, fydd rheoli eitemau'r agenda ar gyfer y Bwrdd.
- Dosberthir yr agenda, dogfennau ategol ac adroddiadau amlygu i bob aelod o'r Bwrdd saith diwrnod cyn y cyfarfod Bwrdd.
- Y Cadeirydd fydd yn penderfynu pa eitemau a ganiateir dan 'Unrhyw Fater Arall.'

Cadeirydd y Bwrdd

Mae Deddf Diwygio'r Heddlu a Chyfrifoldeb Cymdeithasol 2011 yn nodi yn y gyfraith y ddyletswydd ddwyochrog ar Gomisiynwyr Heddlu a Throseddau ac asiantaethau Cyfiawnder Troseddol eraill i gydweithio er mwyn darparu System Cyfiawnder Troseddol effeithiol ac effeithlon ar gyfer ardaloedd heddlu.

Ym mis Mawrth 2022, nododd yr Adolygiad CHTh (Rhan 2) a gynhaliwyd gan y Swyddfa Gartref bod Byrddau Cyfiawnder Troseddol Lleol yn hanfodol ar gyfer grymuso Comisiynwyr Heddlu a Throseddau â'r arfau i ddod â phartneriaid cyfiawnder troseddol at ei gilydd er mwyn mynd i'r afael â throsedd yn effeithiol. Yn unol â'r argymhellion a wnaed gan yr Adolygiad, mae cyfrwng deddfu addas yn cael ei geisio i osod Byrddau Cyfiawnder Troseddol Lleol ar sylfaen statudol a gorfodi CHTh i weithredu fel Cadeirydd.

- Y Cadeirydd fydd yn gyfrifol am wneud pob trefniant sydd angen i gael diogelu cynrychiolwyr penodol sydd eu hangen gan y Bwrdd.
- Mae gan y Cadeirydd awdurdod dirprwyedig i alw cyfarfodydd ychwanegol ar unrhyw

adeg i fynd i'r afael ag unrhyw beryglon eithriadol neu faterion sydd angen ymgynghoriad a chytundeb aelodau BCTDP, neu drwy unrhyw fecanwaith arall, a ystyrir yn addas.

Is-gadeirydd y Bwrdd

Adolygir sefyllfa'r Is-gadeirydd bob tair blynedd. Yr Is-gadeirydd fydd yn ysgwyddo cyfrifoldebau'r Cadeirydd yn ei absenoldeb. Dewisir yr Is-gadeirydd o blith aelodau craidd BCTDP.

Y Prif Gwnstabl Cynorthwyol fydd yr Is-gadeirydd ar gyfer 2024-25.

Cyfarfodydd

- Bydd cworwm ar gyfer cyfarfod Bwrdd yn cynnwys o leiaf pedwar aelod o'r Bwrdd neu eu heilyddion, fel yr amlinellir uchod.
- Hanfod ymagwedd BCTDP tuag at wneud penderfyniadau bydd pwyslais cryf ar gydweithio a gweithio gyda phartneriaid.
- Bydd pob aelod BCTDP yn cynnal yr ymagwedd gydweithiol hon ac yn ymroi'n llwyr i gyflwyno'r camau newid busnes a gwella perfformiad o fewn Cynllun Cyflenwi BCTDP.

Blaenoriaethau

Adolygir blaenoriaethau'r Bwrdd yn flynyddol, a lle bo'n briodol, creir is-grwpiau bwrdd perthnasol a fydd yn gyfrifol am gynllunio ar y cyd yn lleol, gweithredu, a chydlynu cyflwyno blaenoriaethau BCTDP.